



Na osnovu člana 64. stav (1) tačka b), člana 70., a u vezi člana 32. stav (1) Zakona o javnim nabavkama („Službeni glasnik Bosne i Hercegovine" broj 39/14) i člana 8. Poslovnika Centralne izborne komisije Bosne i Hercegovine („Službeni glasnik BiH br. 50/07, 33/09, 24/13 i 32/14), na preporuku Komisije za javne nabavke od 15.04.2015. godine, Centralna izborna komisija Bosne i Hercegovine je na 30. sjednici održanoj 23.04.2015. godine, d o n i j e l a

O D L U K U
o izboru najpovoljnijeg ponuđača

Član 1.
(Predmet odluke)

Okvirni sporazum o nabavci usluga opravke i servisiranja službenih motornih vozila Centralne izborne komisije Bosne i Hercegovine dodjeljuje se ponuđaču „Autodelta“ d.o.o. Sarajevo.

Član 2.
(Kriterij za dodjelu okvirnog sporazuma)

(1) Ponuda ponuđača iz člana 1. ove odluke zadovoljava uslove utvrđene u predmetnoj tenderskoj dokumentaciji i ocjenjena je kao najpovoljnija ponuda, u skladu sa kriterijom za dodjelu okvirnog sporazuma utvrđenim u tenderskoj dokumentaciji, jer je ponuđena najniža cijena po normi satu servisiranja/opravke.

(2) Ponuđaču iz člana 1. ove odluke, okvirni sporazum će biti dodjeljen u skladu sa elementima Ponude, te uslovima i kriterijima utvrđenim u obavještenju o nabavci i tenderskoj dokumentaciji.

Član 3.
(Stupanje na snagu)

Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem konkurentskog zahtjeva. Obavještenje o nabavci objavljeno je na portalu Javnih nabavki broj obavještenja: 794-7-2-44-3-2/15 od 17.03.2015. godine. Primljene su četiri ponude sljedećih ponuđača: „Bunjo“ d.o.o. Sarajevo, „Saradis“ d.o.o. Vogošća, „Bos-Mont“ d.o.o. Sarajevo i „Autodelta“ d.o.o. Sarajevo.

Komisija za javne nabavke imenovana Rješenjem broj: 07-2-16-3-113/15 od 29.01.2015. godine izvršila je pregled i ocjenu ponuda (Zapisnik o pregledu i ocjeni ponuda broj: 07-2-16-3-2/15 od 02.04.2015. godine je u prilogu ove odluke) i uputila preporuku Centralnoj izbornoj komisiji BiH za izbor najpovoljnijeg ponuđača.


Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku: Žalba se izjavljuje Centralnoj izbornoj komisiji Bosne i Hercegovine u pisanoj formi u tri primjerka neposredno ili preporučenom poštanskom pošiljkom u roku od pet dana od dana prijema ove odluke.

Broj: 07-2-16-3-2/15
Sarajevo, 23.04.2015. godine

Dostavljeno:

1. Ponuđaču
2. Odsjeku za materijalno finansijske poslove
3. a/a



Predsjednik

Dr. Ahmet Šantić